

Emna tradiziunala da geniturs al Plantahof

(cp) Dals 28 da schaner fin il 1. da favrer 2013 realisescha il center da furmaziun e cussegliazion agricula Plantahof a Landquart l'emma tradiziunala da geniturs. Las emprendistas ed ils emprendists dal terz onn d'emprendissadi surpigliant durant in'emma il manaschi da lur geniturs entant ch'ils geniturs van a scola. Onn per onn ha lieu l'emma da geniturs en il center da furmaziun e cussegliazion agricula Plantahof a Landquart. Era quest onn interrumpan las emprendistas ed ils emprendists dal terz onn d'emprendissadi durant in'emma lur semester d'enviern al Plantahof. Da glindesdi, ils 28 da schaner fin venderdi, il 1. da favrer 2013 laururan elllas ed els sin il manaschi agricul dals geniturs entant ch'ils geniturs surpigliant lur plazza en scola.

L'emma da geniturs vegn stimada zunt fitg da domaduas generaziuns. Per ils geniturs èsi ina interrupzion bainvegnida da la lavour quotidiana sin il manaschi.

L'emma da geniturs als dat plinavant la chaschun da refrestgentar las enconuschienschas professionalas ed ella permetta da barattar las experientschas cun persunas da la pratica. La cumpagnia stat en il center. Sco lur figlias e lur figls na van lis geniturs numnadomain betg mo a scola, mabain pernottescheren er en l'internat dal Plantahof. L'emma da geniturs è organisada uschia che las mammas stattan da glindesdi fin mesemna ed ils babs da glindesdi fin venderdi al Plantahof. Ultra da l'instruzion èn er il suentermezdì da las generaziuns ed in'excursiun (tar Georg Fischer a Seewis) cumponetas fixas da l'emma da geniturs.

Las emprendistas ed ils emprendists han l'incumbensa da manar durant l'emma da geniturs il bain puril senza la surveillance dal bab. Savens èsi l'emprima giada ch'ellas ed els ès responsabels uschè ditg sulets per il manaschi. Las emprendistas ed ils emprendists apprezzieschan dentant zunt fitg questa experientscha.

■ NOSSADUNNAUN

Igl uestg ei s'inscuntraus cun divorziai

(anr) Sut il telèt: «Separai, divorziai e puspe maridai ella Baselgia» ein varga 30 persunas seschadas envidar la sonda targada dad uestg *Vitus Huonder* Nossadunnaun ad ina sentupada. Cun quei ha igl uestg vuliu far in emprem pass per ina buna pastoraziun da divorziai sco el ha giu giavischau en connex cun sia brev pastorala dìgl onn vargau per la cureisma.

Tuts participants ein stai engrazievels per la preschientcha e capientcha digl uestg. Ils problems e quitaus, che sedantan tras ina separaziun u divorzi, ein multifars. Igl ei semussau che la doctrina dalla Baselgia vegn recepida differentemente. Ils ins piteschan da quella, per auters denton eis ella in grond sustegn.

En referat ha il vicari episcopal digl uestgiu da Cueria, sur canoni *Cristoph Casetti*, responsabels per il ressort lètg e famiglia, dilucidau las directivas verten-

tas dalla Baselgia. Impressiunontamein ein duas instituiuns per separai seprezentadas: «La famiglia Solitude Myriam» e la «Gruppa Magnificat». Ellas sostengnan ils commembers tras rinforzar lur cardientscha e viver la lètg en fideivladad, era sche l'auter partenari ei absents. Tras s'entupar en gruppas e dar sustegn viceversa vegnan els meglier a frida cun esser persuls. Quellas duas gruppaziuns ein era aviartas per tals che secattan en ina novela relaziun.

Era sch'ells meinis ein stai fetg differents ein ins sediscurrius duront la pausa da miezdi en in'atmosfera da beinvilentscha e lu presentau e tedlau ils votums el plenum en respect vicendeivel. Suenter l'adoraziun eucaristica ha igl uestg engraziau a tut quels ch'eran vegni e priu cumiau dad els. El sez seigi turnaus enrihius a casa.

■ OPINIUNS

La schanza per Lia e chantun

Proximamain s'inscuntran chantun e Lia Rumantscha per chattar ina soluzion per l'avvenir da la Chasa Editura Rumantscha (CER). Las tractativas curt avant la fin da l'onn passà laschan supponer che la procentuala da plazza per il manaschi da la CER vegnia reducida – e quai massivamain. Quai fiss donn e putgà. La CER è vegnida instradada avant bun trais onns cun schlantsch, cun ina fina mira, cun ina perspectiva. E cun in pulit dumber dad auturas ed auturs cun buns manuscris che han uschia pudi vegnir publitgads. Per amur da la litteratura: Na giessi betg da far il proxim pass, in sforz, dad omaduas varts – da maun da Lia Rumantscha e dal chantun – da vegnir encontre in a l'auter? Senza daners na vai betg (quants daners mancan insumma

Reglas da giug

La pagina dallas «opiniuns» ei ina piattaforma d'opiniuns per lecturas e lecturas davart temus d'interess general. Pli cuorta che l'opiniun ei e pli gronda che la schanza ei ch'ella vegni era publicada. Contribuziuns anonimas ni multiplicadas e contribuziuns cun contegn diffamont vegnan buca publicadas; tut tenor damonda la redacciun dalla cunterpartida ina posizion. Las contribuziuns vegnan adina publicadas cul num entir. La redacciun decideva davart la tscharna e schebein la contribuziun sto vegnir scursanida ni buc; la redacciun meina negina correspondenza e fa negins telefonos. Brevis da lecturas che serefereschau sin ina contribuziun cumparida en La Quotidiana ston menzian il telèt ed il datum da cumpariziun da quella contribuziun.

En num da la suprastanza da l'ULR.
Silvana Derungs

anc en questas contractivas, 5000 u 50 000 francs?). Ma senza persvasiun na vau era betg. La persvasiun per la necesitat dad ina chasa editura rumantscha e da la litteratura rumantscha insumma.

Il giavisch da l'Uniun per la Litteratura Rumantscha (ULR) è che questa chasa editura possia cuntinuar en ina forma independenta e cun ina dimensio sco durant ils ultims trais onns. Quest giavisch han era lecturas e lecturas da la litteratura rumantscha exprimi en ina petiziun da l'ULR rimmada durant ils ultims Dis da litteratura, inoltrada ils 5 da november 2012. I na va betg per in pass da bainvilentscha u solidaritat cun questas paupers Rumantschs. Na, i dovrà simplamain ina chasa editura rumantscha! Ina cuminanza linguistica s'identifigeschera entras la litteratura. Cudeschsch èn nossa memoria, els reflecte-schan noss temp e noss mund. Cudeschsch furman, scoleschan, animeschau, diverscheschan, stermantan, sveglijan, sforzan, permettan, laschan en ruau, console-schan, provocheschan, euv. Duai ir a smerscha quai che pudess daventiar, anzi, quai ch'è già uss ina da las pitgas cardinalas da la cultura rumantscha?

Perquai: Si, Lia e chantun! In stausch! Vus avais la schanza da meglier il purtret che auturas ed auturs, lecturas e lecturas ed insumma amis da la litteratura e dal rumantsch han per il moment da vus.

En num da la suprastanza da l'ULR.
Silvana Derungs

■ NOVITADS WWW.RTR.CH

**Val S. Pieder:
Claudia Knapp turna
tar l'hotel Therme**

n'ha ella betg pudi dir. Tranter las 08.53 e las 09.07 n'han nagins aviuns pudi partit u sa tschenttar a Kloten. Entant regia a Kloten puspè in manaschi normal.

Pps turitgaisa di gea a l'iniziativa cunter raffaders

Claudia Knapp turna tar l'hotel Therme a Val S. Pieder. Il nov possessur *Remo Stoffel* ha clamà ella sco nova commembra dal cussegli d'administraziun, qui scriva la gasetta «Südostschweiz». Knapp era già stada commembra da la direcziun da la Therme dal 1999 fin il 2003. Pervi da disputas cun sia cundirectura, *Annalisa Zumthor*, aveva ella dentant bandunà la Therme.

Grischun e Tessin èn pertutgads il pli fitg

La grippa sa derasa en Svizra. L'emma passada èn s'augmentads ils tractaments e l'epidemia ha era cunctanschì la Svizra nordorientala, communitegescha l'Uffizi federal da sanadad. L'emma passada èn las consultaziuns pervia da grippa s'augmentadas da 98 sin 140 cas per 100 000 abitants. Il pli pertutgads èn anc adina ils chantuns Grischun e Tessin cun passa 320 cas per 100 000 abitants. L'Uffizi federal da sanadad quinta ch'il dumber creschia vinavant las proximas traïs finschting emnas.

Pcd Vallais smanatscha da bandunar la partida-mamma

**Bruno Zuppiger è
vegnì declarà culpant**

L'anterier cusseglier naziunal da la pps, *Bruno Zuppiger*, è vegnì declarà culpant pervia da defraudaziun. La dretgira districtuala da Turitg ha sentenzià Zuppiger a 13 mais praschun cundiziunà ed ina multa da 1500 francs. Bruno Zuppiger era sa retratg l'entschatt da setember da l'onn passà sco cusseglier naziunal pervi dad in'aféra d'ierta. El ha utilisà daners d'ina ierta per in auter intent che previs.

Regenza è per in segund tunnel al Gottard

La regenza dal chantun Zug sostegna la construcciun d'in segund tunnel al Gottard. Ella è uschia dal medem maini sco las autres regenzas chantunala da la Svizra centrala. Cun in segund tunnel possia il tunnel existent vegnir sanà senza bloccada, scriva la regenza en sia resposta a la consultaziun dal cussegli federal. Tenor la regenza da Zug respectia il plan era la protecziun dal territori da las Alps, cunquai ch'i dettia er en l'avvenir sulet in vial en mintga direcziun.

Bunas renditas per las cassas da pensiun

Las investiziuns da las cassas da pensiun svizras èn sa sviluppadas bain l'onn passà. Tenor l'index da cassas da pensiun da la banca Credit Suisse è la rendita en media sin 7%. En spezial las aczias ed imobiglias hajan contribuì bler al svilup positiv. Las renditas èn anc adina sut la rendita minimala ch'è fixada en la lescha federala davart la prevenziun professiunala. La differenza saja dentant sa smi-nuida.

Evacuaziun tar Skyguide ha bloccà il traffic aviatic

A l'eroport da Turitg è il traffic aviatic stà bloccà mesemna avantmezdi temporain. La raschun: Il bajetg da Skyguide a Dübendorf, la surveiglianza dal traffic aviatic, ha stùi vegnir evacuà. La pledadra da l'eroport ha confermà in rapport da 20 minutus online. Perche ch'il bajetg ha stùi vegnir evacuà

dita per ingredienzas da cacau sajan tschessads. Barry Callebaut è dentant cument cun la svieuta. L'interresa saja crescida cleramain pli ferm che la fier-a globala.

Sandro Vileta dat al Lauberhorn ses comeback

Ils skiunz svizzers èn en la crisa. Per ina già manca *Didier Cuche*, il leader dals davos onns, lura èn era plirs skiunz blessads, ferm blessads sco *Beat Feuz* che manchenta l'entira stagion. Quels che vessan ussa da trair il char, skiunz sco *Didier Défago* u *Carlo Janka*, èn dal tuttafatg or dal concept. Sanadad, material, la furma, il mument para nugut da constar. In ulterior skiunz ch'ha gi enfin uss ina stagion d'emblida è *Sandro Vileta* da La Punt-Chamues-ch. Il 25avel plaz en il super-G da Lake Louise la fin november è il sulet resultat da Vileta en ils emprims 30 en questa stagion. Mez december è Sandro Vileta cupitgà en il super-G da Val Gardaina e sa fatg mal. Dapi lura n'è Vileta betg pli parti a cursas da la cuppa mundiala. Ussa, bun in mai pli tard, dat el ses comeback a las cursas da chasa a Wengen. L'emprima giada parta il skiunz engiadina en la super-cumbinaziun al Lauberhorn.

Patrick Küng danovemain il pli spert Svizzer

Ils Franzos han dominà il segund trentament da la cursa rapida dal Lauberhorn. *Johan Clarey* ha gudagnà avant *Adrien Théaux*, terz è vegnì l'Austriac *Klaus Kröll*. Il pli spert Svizzer è danovemain stà *Patrick Küng*. El è vegnì 11avel cun ina secunda retard sin ils pli sperts.

Marvulli e Kalz han gudagnà cursa da sis dis a Bremen

Franco Marvulli e ses partenari tudestg *Marcel Kalz* han gudagnà la 49avla cursa da sis dis a Bremen. Il duo svizzer/tudestg ha gudagnà avant il duo *Leif Lam-pater/Luke Roberts* ed ils defensurs dal titel *Robert Bartkko/Peter Schep*. Per Marvulli èsi la seconda giada ch'el gudogna la cursa da sis dis a Bremen. Il 2010 ha el gudagnà ensem en Bruno Risi.

Hockey: Martin Plüss resta vinavant tar il SCB

Il Club da hockey da Berna ha prolungà per dus onns il contract cun *Martin Plüss*. Il giugader da l'equipa naziunala da 35 onns è dapi il 2008 tar il SCB. Plüss ha giugà fin oz 266 partidas per ils Bernais ed en quellas fatg 213 puncts (100 gols e 113 assists). Cumenzà la carriera ha Plüss a Kloten il 1994. Dal 2004 fin il 2008 ha el giugà per il club svédais Frölunda. Cun tut ils traïs clubs ha el gudagnà almain ina giada il campiunadi.

Ulteriuras novitads



Mussavia tar il diever dal QR Code è da chattar sin www.rtr.ch